


مجموعه ابوالخیر

۱۷ نجفی سنه

ربیع الآخر ۱۳۱۴

جزء، عدد : ۶۰





فرانسه ده توتون انحصارینک سببی

ناپولیون بوناپارت طرفندن ۱۸۱۰ سنه سنده تویلیری سراینده ویریلان بر بالوده هان تپه دن طرناغه قدر مجوهراته مستغرق بر مادام بولنیوردی که ، بالطبع هرکسک انظار دقتی و باخصوص نسوانک چشمانک حسدی کندوسنه منعطف ایدی . ناپولیون دخی بوقادینی کورنجه کیمک نه سی اولدیفنی صورمش و بر توتون تاجرینک زوجه سی اولدیفنی جوانی آلمشدر .

آرهدن بر آی مرور ایتمدن ۲۹ کانون اول ۱۸۱۰ ده انحصار دخان اصولی امپراطور طرفندن اراده واعلان اولمشدر . چونکه ناپولیون ، توتون کبی بر آلت کیف اغورنده اختیار ایدیلان مصارف ، افرادی رخنه دار ایتماش اولسه بیله ، خزینئه دولته بدل بعض اشخاصه فوق الغایه تأمین یسار ایلدیگنی قادینک مجسم برخزینئه جواهر حالتی طاقمش اولمشدن استدلال ایدرک بو منبع منفعتی خزینئه دولته تخصیص ایله خلقدن بووجهله طولایسیله برکیف ویرگوسی المنی دوشمش و اجرا ایشدر .

اوتاریخدن بوگونه قدر سکمان آلتی سنه ظرفنده فرانسه خزینهنه ۱۱ میلیارد کسور میلیون فراتق ، یعنی ۵۱۲ میلیون لیرا گیرمشدر . حال حاضرده ایسه سنوی ۳۵۰ میلیون فراتق ، یعنی اون یدی بچق میلیون لیرا ایراد کیمکده در .